



Publicaziuns dalla vischnaunca, jamna 46

Damondas da baghegiar 2014-1043.000

Datum dalla publicaziun: 14 da november 2014

Il patrun: Pendicularas Mustér SA, Via Aletta 2, 7180 Disentis/Mustér

Il representant: Ernst Dubler, Geroldstrasse 31, 8005 Turitg

Object: Engrondaziun dall'ustria a Caischavedra cun adattaziuns internas dil baghetg, parcella 2932, Caischavedra, 7180 Disentis/Mustér.

2014-1045.000

Datum dalla publicaziun: 14 da november 2014

Il patrun: Hotel Baur Disentis AG, Via Sontga Catrina 12, 7180 Disentis/Mustér

Il representant: Ernst Dubler, Geroldstrasse 31, 8005 Turitg

Object: Engrondaziun dalla cuschina, baghetg annex, parcella 502, Via Sontga Catrina 12, 7180 Disentis/Mustér.

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 10 da november 2014
Uffeci da baghegiar Disentis/Mustér

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandont project:

Nr. 2014 – 2092.000

Aluis e Heinrich Riedi, Pardomat 6, 7180 Disentis/Mustér; sanaziun dalla cuvrada dil tetg-casa e dil baghetg annex cun montar collecturs da sulegl, parcella 2320, Pardomat 6, 7180 Disentis/Mustér.

Nr. 2014 – 2094.000

Sporthotel Sax AG, Via Sax 1, 7180 Disentis/Mustér; cheminé cun tgamin vid la fatschada ost, Hotel Sax, parcella 1660, Via Sax 1, 7180 Disentis/Mustér.

Nr. 2014 – 2097.000

Recal SA, Via Alpsu 49, 7180 Disentis/Mustér; cumpletaziun dalla lingia da provediment pigl object sin parcella 1660, parcellas 1660 e 1016, Via Sax 1, 7180 Disentis/Mustér.

Encunter quella decisiun san ins protestar a scret enteifer 20 dis dapi la publicaziun alla suprastanza communal.

Uffeci da baghegiar Disentis/Mustér



Scaldaments mobils el liber

«Bulius da scaldar, radiaturs, radiaturs d'infratgie tschen e.a.v.»

Tenor art. 11, al. 2 dalla lescha d'energia cantunala en cumbinaziun cun igl art. 33 dall'ordinaziun d'energia cantunala ha il departament da construcziun, traffic e selvicultura relaschau suandonta disposiziun:

1. Per mintga apparat da scaldar mobil – gas, electricitad ed ieli – che vegn duvraus el liber per intents commercials e che ha ina prestaziun da scaldar da maximalmein 14 kW sto vegnir cumpensau 1 tonna CO₂. Per apparats cun ina prestaziun da sur 14 kW e cun ina prestaziun da scaldar maximala da 28 kW sto vegnir cumpensau 2 tonnas CO₂ e per apparats cun ina prestaziun da scaldar maximala da sur 28 kW sto vegnir cumpensau 3 tonnas CO₂ e.a.v. Silmeins 20% dall'immissiun CO₂ sto vegnir cumpensada en Svizra. Per scaldaments en tenda valan las medemas pretensiuns sco pils scaldaments el liber.
2. Per mintga tonna che sto vegnir cumpensada sto vegnir taccau ina vignetta vid igl apparat da scaldar. Ina vignetta vala mintgamai 1 onn naven digl 1. da settember entochen ils 31 d'uost. L'obligaziun da cumprar ina vignetta exista naven dall'emprema gada ch'igl apparat da scaldar mobil vegn mess en funcziun duront la perioda da scaldar respectiva.
3. La cumpensaziun dall'immissiun da CO₂ succeda entras il gestiunari ni entras la vischnaunca.
4. Sch'ils gestiunaris cumpenseschan sez l'immissiun da CO₂, vegn la vignetta concedida gratuitamein entras la vischnaunca. La cumpensaziun sto vegnir cumprovada cun in certificat d'ina interpresa specialisada sil sector dalla cumpensaziun da CO₂ (p.ex. myclimate). Per apparats da scaldar electrici sa l'obligaziun da cumpensar l'immissiun da CO₂ era vegnir ademplida, sch'ei vegn applicau – per mintga tonna CO₂ che sto vegnir cumpensada – cumprovadamein 4500 kWh d'electricitad ch'ei vegnida producida cun energias regenerablas.
5. Sch'ils gestiunaris cumpenseschan buca sez l'immissiun da CO₂, ston els cumprar tier la vischnaunca ina vignetta per mintga tonna CO₂ che sto vegnir cumpensada. Il prezi per vignetta importa frs. 60.–.
6. Las vischnauncas impundan igl entir recav dalla vendita da vignettas per cumpensar l'immissiun da CO₂. Igl uffeci d'energia e traffic metta a disposiziun in agid d'execuziun per las vischnauncas.
7. Per decretar sancziuns en cass da cuntravenziuns, en special incassar multas, ein las vischnauncas responsablas (art. 36 s. LEG).

Las vignettas san vegnir retratgas naven digl 1. d'october 2014 tier l'administraziun communal.

Suprastonza communal Disentis/Mustér

Cussegl da vischnaunca

Il cussegl da vischnaunca seraduna gievgia e venderdis, ils 20 e 21 da november 2014, mintgamai allas 20.15 en casa communal.

Tractandas:

1. Protocol nr. 15-2013/2016
2. Program d'activitad 2013-2016 (messadi nr. 20-2013/2016)
3. Preventiv 2015 (messadi nr. 19-2013/2016)
4. Plan da finanzas 2016-2020 (messadi nr. 19-2013/2016)

Il president dil cussegl da vischnaunca



Parcadi sutterrán Sogn Gions

Affittaziun

En connex cuagl engrondiment dalla Casa da tgira Sursassiala ha la vischnaunca acquistau 13 parcadis sutterrans. Quels parcadis ein destinai sco parcadis permanents che san vegnir affittai d'interessents. La suprastanza communal ha fixau il tscheins meinsil d'affittaziun a frs. 140.– per parcadi. Ils parcadis san vegnir affittai naven d'immediat. Interessents che vulan affittar permanentamein in parcadi sutterrán a Sogn Gions ein supplicai d'annunziar lur interess agl uffeci da baghegiar, caum postal 57, 7180 Disentis/Mustér (e-mail baghegiar@disentis.ch ni tel. 081 920 36 46).

Suprastanza communal

Seivs mobilas per la pasculaziun

Tenor art. 75, al. 1 dalla lescha da baghegiar ston seivs mobilas vegnir allontanadas immediatmeinsuenter la pasculaziun. Quei vala era per seivs da gatter. Las seivs buca allontanadas vegnan pridas naven senza avisar ils pertuccai sin donn e cuost dil proprietari da terren.

Nus supplichein da prender enconuschientscha da quei fatg e d'instradar las mesiras prescrettas.

Uffeci da baghegiar

Tagliar caglias e plontas

Tenor art. 75, al. 4 dalla lescha da baghegiar astgan plontas buca disturbar la vischinonza ni la segirtad publica. Per liung dallas vias publicas e privatas sco era sendas ein tuttas caglias e plontas da tagliar anavos, aschia che nuot survarga il cunfin (era buca suenter ch'ei ha neviu). Quellas lavurs ston esser finidas sil pli tard entochen la fin da november 2014. En cass che las caglias e plontas vegnan buca tagliadas anavos enteifer il termin fixau, vegnan quellas lavurs exequidas entras il survetsch tecnic dalla vischnaunca cun adossar ils cuosts als proprietari.

Uffeci da baghegiar Disentis/Mustér

Donns d'uauil dils 6-11-2014

Il ferm favugn e la neiv bletscha han caschunau gronds donns en tut ils uauils sigl intschess dalla vischnaunca da Mustér. Biebein 10 000 pégnis ein sederschs. Per evitar e sminuir donns secundars entras il bau scorsa sto la lenna vegnida luvrada si e transportada ord ils uauils ton pli spert. Cunquei che la lenna ei fetg spatitschada succeda il transport per gronda part cun agid dil helicopter. Differentas vias e sendas ein bloccadas entras pégnis. Prioritad da rumir la lenna han ils uauils da schurmetg. Per buca impedir las lavurs duei vegni priu risguard sin signalisaziuns ed avis dils luvrers d'uauil. Per damondas ni sclariment vegn supplicau da contactar l'administraziun communal, telefon 081 920 36 36.

Bien engraziament per la capientscha

Uffeci forestal Disentis/Mustér

Vischinadi Funs-Latis-Clavaniev

Invit

Radunonza generala mardis, ils 25 da november 2014 allas 20.15 en casa communal, stanza da seduta.



Tractandas:

1. Beinvegni
2. Elecziun d'in dumbravuschs
3. Prelecziun ed approvaziun dil protocol dils 14 da settember 2012
4. Rendaquen e rapport dils revisurs
5. Rapport annual dalla presidenta
6. Fixar la taxa annuala
7. Elecziuns
8. Varia

Suenter la radunonza vegn offeriu igl usitau puschegn.

Cordialmein envida
la suprastonza

Radunonza generala dil vischinadi Segnas/Mompé Tujetsch

Mardis, ils 25-1-2015 allas 20.15 en l'ustria «Cresta» a Segnas.

- tractandas usitadas
- elecziun d'ina cassiera/d'in cassier
- elecziun delegau/delegada Mompé Tujetsch

Cordialmein envida
la suprastonza

Communicaziun:
Da schar a tscheins zona da nuorsas sur unviern.

Controlla da habitonts

Mortoris

Leci Fry-Tuor, naschius ils 17 da december 1923, morts ils 4 da november 2014
Ida Columberg-Nay, naschida ils 18 d'uost 1945, morta ils 9 da november 2014

Kino

Clara und das Geheimnis der Bären

Mesjamna, ils 12-11-2014 allas 16.00 el Center sursilvan d'agricultura

Der Schweizer Abenteuerfilm für die ganze Familie (Kinostart Juni 2013). Nacht, stürmischer Regen und Blitze, ein Bär, Ketten, ein Schuh im Matsch – nach diesem düsteren, geheimnisvollen Anfang erleben wir einen Zeitsprung von 200 Jahren und sehen, wie ein Mädchen an einem Bahnhof in den Schweizer Alpen abgeholt wird – der Beginn einer spannenden Geschichte, die den Zuschauer von Anfang an in ihren Bann zieht...

www.claradefilm.com

Il film ei lubius naven da sis onns, mo recumandaus pér naven da nov onns. Affons sut nov onns mo en accumpignament dad ina persuna carschida. Il film cuozza 94 min.

Entrada libra, collecta. Ei vegn vendiu popcorn e bubrondas.

Cordial beinvegni!
www.agricultura.ch



Cuors da far tschupials d'advent

Gievgia, ils 20 da november ni/e venderdis, ils 21 da november 2014

Vus decoreis tschupials d'advent. Ils tschupials vegnan formai sin in plumatsch da mescal. Il cuors che cuoza ina sera vegn menaus atras da florista e pura Cornelia Berther-Oberholzer. El entscheiva allas 20.00 ed ha liug el Center sursilvan d'agricultura Disentis/Mustér. Informaziuns ed annunziats entochen ils 14 da november tier Cornelia Berther, tel. 081 949 13 74, telefonin 077 491 22 85 ni e-mail: baseli.berther@kns.ch.

Cordial beinvegni!
www.agricultura.ch

Preavis

Trer candeilas per in e scadin cun stiva da caffè.

Sonda, ils 13 da december allas 16.00 tochen 22.00, dumengia, ils 14 da december allas 11.00 tochen 18.00. En stalla tier Armin Manetsch e Priska Müller a Mompé-Medel.

Uniun da dunnas Mustér

Messa da s. Lisabeth

La messa da s. Lisabeth vegn integrada en la messa dalla **dumengia, ils 16 da november 2014** allas 9.30 a s. Gions Mustér.

Cordialmein envida
Uniun da dunnas Mustér

Guggemusik Vacallo/Chiasso

Concert avon la canzlia communal allas 18.00.

Uniun da dunnas Mustér Fiera da Nadal a Mustér

Dumengia, ils 23 da november 2014 allas 11.00–19.00 sin plaz-scola.

Halla Cons

13.00–16.00 zambergiar decoraziuns d'advent

17.00 presentaziun dil cudisch «Igl aunghel dil Segner/

Der Engel des Herrn» da Lisa Schmid/Marlis Lutz

Center da sanadad Puntreis

14.00–16.45 entagliar ravas

17.45 til cun las ravas entagliadas

Biblioteca

13.30/14.30/15.30 vegn mintgamai raqunintau cuortas historias d'advent en biblioteca.

Seschei inspirar dall'atmosfera d'advent e passentei in pèr bialas uras en buna cumpignia. Per la fom e seit vegn purschiu diversas spisas e bubrondas.

Il recav ord la stiva da caffè va ad instituziuns caritativas.

Sin vossa viseta selegran

*expositurs/-as e l'uniun da dunnas/mummas
cun affons pigns Mustér*



Secziun da catschadurs Péz Alpetta

Messa da s. Hubertus

Sonda, ils 22 da november allas 17.00 ha liug la messa da s. Hubertus en baselgia s. Gions. Suenter messa ei in e scadin cordialmein envidaus ad in apero en halla Cons. Naven dallas 19.30 ha liug per ils commembers dalla secziun da catschadurs Péz Alpetta la sera famigliara el Center sursilvan d'agricultura.

Cordialmein envida

la suprastonza dalla secziun da catschadurs Péz Alpetta

Uniun samaritanas Mustér/Medel

L'acziun da spender saung per donaturas e donaturs dallas vischnauncas da Medel e Mustér ha liug **gliendisdis, ils 24 da november 2014** allas 18.00–20.00 en halla Cons. Nus engraziein grondamein per quei bien survetsch en favur da malsauns e disgraziai e sperein sin ina stedia participaziun.

Cordial beinvegni

Uniun samaritana Mustér

Apparats d'udida

Gliendisdis, ils 24 da november 2014 saveis Vus schar schubergiar e regular Vies apparat d'udida naven dallas 14.00–16.00 el Puntreis, Center da sanadad a Mustér, Via Cons 11. L'uniun Pro Auditio Cuera cun signur Arthur Jacomet fa quei survetsch per tuts interessents gratuitamein.

Cordiala invitaziun

Puntreis, Center da sanadad